

UNIVERSITETI I PRISHTINËS "HASAN PRISHTINA"
Fakulteti i Inxhinierisë Elektrike dhe Kompjuterike

Nr. 1462

Dt. 31.05.2022

PRISHTINË



Action for Democratic Society (ADS)

Projekti "Hibrid.info"

Universiteti i Prishtinës "Hasan Prishtina"

Fakulteti i Inxhinierisë Elektrike dhe Kompjuterike (FIEK)

Memorandum Bashkëpunimi/Mirëkuptimi

Në mes të

Action for Democratic Society (ADS), projekti "Hibrid.info"

dhe

Universitetit të Prishtinës "Hasan Prishtina"

Fakultetit të Inxhinierisë Elektrike dhe Kompjuterike (FIEK)

31/ Maj /2022

Memorandumi Bashkëpunim

Ky Memorandum Bashkëpunimi (MB) është bërë nga dhe ndërmjet:

- (1) Platformës për kontroll të fakteve hibrid.info nga ADS dhe
- (2) Fakultetit të Inxhinierisë Elektrike dhe Kompjuterike (FIEK), pranë Universitetit të Prishtinës "Hasan Prishtina", për bashkëpunim në fushën e informimit, hulumtimit, bashkëpunimit dhe shkëmbimit të materialeve dhe përvojave në fushën profesionale mes dy palëve.

Synimet:

(a) Në përputhje me interesat dhe objektivat e tyre përkatëse, Hibrid.info dhe Fakulteti i Inxhinierisë Elektrike dhe Kompjuterike (FIEK) janë të gatshëm të bashkëpunojnë për të avancuar nivelin profesional në Teknologjinë Informativë dhe të Komunikimit (TIK), si dhe azhurnimin me praktikat moderne në këtë fushë.

(b) Palët zotohen që përmes këtij MB të përshkruajnë fushat e bashkëpunimit në promovimin dhe avancimin e formave dhe metodave moderne të TIK në aspektin e informimit.

PRANDAJ:

Preambula dhe deklaratat e mësipërme do të formojnë një pjesë integrale të këtij memorandumi.

1. Qëllimi dhe Objektivat

Hibrid.info dhe FIEK ndajnë një qëllim të përbashkët, përkatësisht edukimin mbi Informimin dhe komunikimin (mediat tradicionale, mediat digjitale, platformat sociale, makinat e kërkimit). Gjithashtu, pjesë përbërëse e qëllimit të këtij bashkëpunimi është ngritja e nivelit cilësor të aktiviteteve trajnuese të studentëve dhe aktivistëve në shërbim të informimit të drejtë të publikut për rolin dhe rëndësinë e verifikimit të fakteve dhe luftën kundër dezinformimit në Kosovë. Ndërsa ky qëllim arrihet përmes objektivave specifike:

- (A) Palët nënshkruese të këtij MB të angazhohen për bashkëpunim në të gjitha aktivitetet;
- (B) Palët nënshkruese të këtij MB të angazhohen në promovimin e aktiviteteve të përbashkëta.

2. Rolet dhe bashkëpunimi

Hibrid.info dhe Fakulteti i Inxhinierisë Elektrike dhe Kompjuterike (FIEK) kanë diskutuar dhe kanë rënë dakord për bashkëpunim në aktivitete specifike si:

1. Studentët dhe stafi akademik i FIEK-ut, do të mund të përfshihen në projekte të hibrid.info, pa pasur nevojë të përcillen proceset formale;
2. Shkëmbimi i informatave dhe materialeve edukuese, për nevoja të iniciativave nga të dyja palët;
3. Shkëmbim profesional në mes të stafit të hibrid.info dhe stafit akademik të FIEK-ut;
4. Bashkëpunime për fushata edukuese e vetëdijësuese;
5. Bashkëpunime për trajnime dhe punëtori;
6. Organizime të përbashkëta të seminareve, punëtorive e konferencave me interes të përbashkët;
7. Organizime të përbashkëta të edukimit të vazhdueshëm afatshkurtër për tema me interes të përbashkët dhe pjesëmarrje të dy palëve në aktivitete;
8. Të përgatisin së bashku Projekt-Propozime dhe të angazhohen në programe kërkimore, trajnime apo projekte tjera të sponsorizuara nga agjencitë financuese (donatorët) dhe pjesëmarrje të dy palëve në aktivitete;
9. Bashkëpunim në ndërtimin e softuerëve të automatizuar për nevoja të informimit dhe për fusha tjera;
10. Mundësi për praktikë të studentëve në platformën për kontroll të fakteve – hibrid.info;
11. Promovim reciprok i materialeve specifike që të dyja palët i konsiderojnë se janë të rëndësishme së veçantë, për të rritur impaktin dhe për të pasur efekt më të gjerë tek audienca;
12. Bashkëpunim në projekte dhe aktivitete që kontribuojnë në arritjen e qëllimit të MB-së;
13. Aktivitete tjera që mund të identifikohen në vazhdim të bashkëpunimit e që mund të paraqiten si aneks apo shtojcë e MB-së.

3. Afati

Mandati i kësaj MB-je do të zgjasë për pesë (5) vjet, përveç nëse përfundohet më herët siç parashihet edhe përmes këtij dokumenti. Kjo MB mund të përfundojë nga secila palë, me ose pa shkak, tridhjetë (30) ditë pas njoftimit me shkrim të palës tjetër.

4. Fshtësia - Konfidencialiteti

Me qëllim të ruajtjes së të dhënave personale për palët e interesit dhe studentët, të njëjtit pajtohen që të zbatohen dispozitat e Ligjit Nr.06/L-082, për Mbrojtjen e të Dhënave Personale, i publikuar në Gazetën Zyrtare më dt.20.02.2019.

Palët obligohen që të ruajnë konfidencialitetin e informatave që dalin si rezultat i bashkëpunimit tek palët e treta, përveç në rastet kur ato janë publike.

Në rast se ndodhë shkelja e konfidencialitetit, obligohet prishja e këtij memorandumi.

5. Të tjera

Asnjë marrëdhënie ligjore detyruese nuk do të hyjë në fuqi midis palëve. Çështjet e përmendura në MB bazohen vetëm për arritjen e qëllimit të paraqitur dhe aktiviteteve që janë në të mirën e të dyja palëve dhe komunitetit në përgjithësi, duke mos krijuar përgjegjësi ligjore nga asnjëra palë. Përmbajtja e marrëveshjes lejon vetëm bashkëpunim të ndërsjellë, por jo edhe të drejtë për të interpretuar si pronësi në aktivitete, ortakëri apo ndërmarrje të përbashkët.

Si dëshmi e kësaj, palët kanë marr përsipër që ta nënshkruajnë këtë MB me emrat e përfaqësuesve, duke bërë që marrëveshja të hyjë në fuqi nga data pasuese:

Pala inicuese

Pala përcjellëse

Shkelzen Osmani

Prof. Dr. Asoc. Isak Shabani

Themelues dhe Drejtor

Dekan

ADS/hibrid.info

Fakulteti i Inxhinierisë Elektrike dhe Kompjuterike (FIEK)

Data: 31/05/2022

Data: 31/05/2022

Nënshkrimi: 

Nënshkrimi: 

